

საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი

ბრძანება N 01-02/114

ქ. ბათუმი

16 ივნისი, 2023 წ

2023-2024 სასწავლო წლისათვის „ერაზმუს+1“ გრანტი გაცვლითი პროგრამის ფარგლებში ზაარლანდის უნივერსიტეტში საერთაშორისო მობილობის მონაწილე ბსუ-ს ბიოლოგიის, ქიმიისა და ფარმაციის მიმართულების საგანმანათლებლო პროგრამის სტუდენტთა გამოვლენის მიზნით კონკურსის ჩატარების შესახებ

„უმაღლესი განათლების შესახებ“ კანონის 22-ე მუხლის, ბსუ-ს წესდების მე-13 მუხლის, „საერთაშორისო გაცვლითი პროგრამების ადმინისტრირების წესის დამტკიცების შესახებ“ ბსუ-ს აკადემიური საბჭოს 2019 წლის 14 აგვისტოს №01-06/89 დადგენილების, „ბსუ-ს რექტორის მერაბ ხალვაშის ქალაქ ქუთაისში მივლინების შესახებ“ ბსუ-ს ადმინისტრაციის ხელმძღვანელის 2023 წლის 14 ივნისის №01-14/228 ბრძანებისა და ბსუ-ს სტრატეგიული განვითარებისა და საგარეო ურთიერთობათა დეპარტამენტის უფროსის 2023 წლის 14 ივნისის №690690 სამსახურებრივი ბარათის საფუძველზე

ვბრძანებ:

1. 2023-2024 სასწავლო წლისათვის „ერაზმუს+1“ გრანტი გაცვლითი პროგრამის ფარგლებში ზაარლანდის უნივერსიტეტში საერთაშორისო მობილობის მონაწილე ბსუ-ს ბიოლოგიის, ქიმიისა და ფარმაციის მიმართულების საგანმანათლებლო პროგრამის სტუდენტთა საგანმანათლებლო პროგრამის სტუდენტთა გამოსავლენად გამოცხადდეს კონკურსი და განისაზღვროს შემდეგი ვადები და კრიტერიუმები:

ა) კონკურსში მონაწილეობის მსურველთა მიერ ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით განსაზღვრული საკონკურსო დოკუმენტაციის მიღება ელექტრონულ ბმულზე <https://registration.bsu.ge/> 2023 წლის 16 ივნისიდან – 2023 წლის 26 ივნისის ჩათვლით 15:00 საათამდე.

ბ) საბუთების შემოწმება და შეფასება - 2023 წლის 27 ივნისი, 10:00-12:00 საათი (საბუთების შემოწმებასა და შეფასებას დადგენილი კრიტერიუმების მიხედვით უზრუნველყოფს სტრატეგიული განვითარებისა და საგარეო ურთიერთობათა დეპარტამენტი);

გ) ტესტირება/გამოცდა ინგლისურ ( II, III საფეხური - ინგლისური B2, I საფეხური) და გერმანულ ( B1) ენებში - 2023 წლის 28 ივნისი 09:30 საათი, (საგამოცდო ცენტრი, №4 კორპუსი, მის: ქ. ბათუმი ფიროსმანის ქ. №12);

დ) გასაუბრება კომისიასთან - 2023 წლის 28 ივნისი (იმ სტუდენტებისთვის, ვინც წარმატებით გადალახავს დადგენილ ბარიერს ტესტირების დროს უცხოურ ენებში. ზუსტი დრო დამატებით ეცნობოს კონკურსსანტებს ბსუ-ს ვებგვერდის ან/და მათ მიერ საკონკურსო განაცხადში მითითებულ ტელეფონებზე/ელექტრონულ ფოსტაზე);

დ) საბუთების გადაგზავნა მიმღებ უნივერსიტეტებში - არაუგვიანეს 2023 წლის 30 ივნისისა.

2. დამტკიცდეს წინამდებარე ბრძანებით გამოცხადებული კონკურსის ჩატარების მიზნით საკონკურსო კომისიის შემადგენლობა:

- ა) მერაბ ხალვაში - თავმჯდომარე, რექტორი;
  - ბ) ანზორ ბერიძე - თავმჯდომარის მოადგილე, რექტორის მოადგილე;
  - გ) თამარ სირაძე - რექტორის მოადგილე;
  - დ) ვლადიმერ ღლონტი - ხარისხის უზრუნველყოფის სამსახურის ხელმძღვანელი;
  - ე) მარინე გიორგაძე - სტრატეგიული განვითარებისა და საგარეო ურთიერთობათა დეპარტამენტის უფროსი;
  - ვ) ნანა ყურშუბაძე - სტრატეგიული განვითარებისა და საგარეო ურთიერთობათა დეპარტამენტის უფროსის მოადგილე, ერაზმუს+ კოორდინატორი ბსუ-ში;
  - ზ) რუსუდან ხუბუნაიშვილი - საბუნებისმეტყველო მეცნიერებათა და ჯანდაცვის ფაკულტეტის დეკანი.
3. კონკურსის წესით შერჩევა განხორციელდეს ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით დამტკიცებული „საერთაშორისო გაცვლითი პროგრამების ადმინისტრირების წესით“ და წინამდებარე ბრძანების შესაბამისად.
  4. ბრძანება გამოქვეყნდეს ბსუ-ს ვებგვერდზე.
  5. წინამდებარე ბრძანებით გამოცხადებული კონკურსის შესახებ განცხადების ტექსტი მომზადდეს სტრატეგიული განვითარებისა და საგარეო ურთიერთობათა დეპარტამენტის მიერ და გაეგზავნოს საინფორმაციო ტექნოლოგიების სამსახურს -ბსუ-ს ვებგვერდზე განთავსებისათვის, ხოლო სასწავლო პროცესის დეპარტამენტს - ბსუ-ს პორტალზე განთავსებისათვის.
  6. ბრძანება სახელმძღვანელოდ და აღსასრულებლად დაეგზავნოს რექტორის აპარატს, ადმინისტრაციის ხელმძღვანელს, რექტორის მოადგილეებს, ხარისხის უზრუნველყოფის სამსახურს, ფაკულტეტებს, სასწავლო პროცესის დეპარტამენტს, სტრატეგიული განვითარებისა და საგარეო ურთიერთობათა დეპარტამენტს, საინფორმაციო ტექნოლოგიების სამსახურს და კომისიის წევრებს.
  7. ბრძანება ძალაშია ხელმოწერისთანავე.
  8. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში ( მის: ქ. ბათუმი, ს. ზუბალაშვილის ქN30).

რექტორის მოვალეობის შემსრულებელი,  
რექტორი მოადგილე, პროფესორი

ანზორ ბერიძე